

欽定大清會典

一  
函  
九  
冊  
函

欽定大清會典卷三十二

禮部

儀制清吏司

學校

凡學校之制 京師立國子監曰太學直省府州縣衛各於所治立學皆祀

先師以崇矩範闢雲合

以聚生徒時肄習以廣術業勸訓迪以儲人材各學諸生升於太學者由國子監考課

詳見國子監

直省提督

學政選差京堂翰詹科道部曹 盛京以奉天府丞福建臺灣府廣東瓊州府以巡道兼之提調以知府

同知直隸州分教以教授學政教諭訓導等官 凡學政考校初視事按各府直隸州遠近定期歲試屆

期按臨校閱文武生童藝業既竣事定期科試導校文生童文藝三年皆徧疏報任滿俟新學政抵任還

朝復 命 凡學政關防巡試所至以府首領州縣佐雜官充巡捕地方有司視沿途供備次會提調

官視考院門垣途徑務絕窺探交通之跡既至親視椽更承皂及承直水火灑掃夫役封入內署其臨考

執事及司門傳事官吏由提調官選委各居外舍禁絕往來每日啟門收發文書進納薪水皆巡捕官檢

察無弊迺許出入如門以內潛通關節責之學政門以外招搖傳遞責之提調官互相徇隱者同論 凡

教職考覈初選時滿教官由部試文藝錄取者引

見序用直省府州縣學教官由督撫考試列等第

以別用舍學政巡試所至考其文章師範不稱職者黜願應鄉會試者由布政使司申送 凡童生入學

滿洲蒙古漢軍由本旗佐領考錄順天府大宛二縣由知縣考錄均冊送府丞直省由州縣考錄冊送知

府同知直隸州均以其錄取者冊送學政歲科考擇其秀者入學曰附學生員其每考入學之數 京師

滿洲蒙古共六十人漢軍半之 盛京滿洲蒙古共十有一人漢軍八人直隸順天府大興宛平二縣學

均二十五人各府學二十三人大州縣視府學其次州縣大學十有八人中學十有五人小學十人江南

浙江府學均二十五人大州縣視府學其次州縣大學二十人中學十有六人小學十有二人餘省府學

均二十人大州縣視府學其次州縣大學十有五人中學十有二人小學八人初建之府州縣視人文以

定大中小學不足小學之數者虛其額以待人文之盛若大縣分爲二縣者中分入學原數或較人文之

多寡以爲差 凡諸生考課入學生員各治一經本學教官月有課季有考別有等差冊報學政歲科考

取其最優者食餼於官曰廩膳生員其數 京師滿洲蒙古共六十人漢軍半之 盛京滿洲蒙古共六

人漢軍三人直省府學四十人州學三十人縣學二十人衛學十人次優者別於附學曰增廣生員如廩

膳生員之數若府州縣初建及大縣分爲二縣者分設廩增之法與附學生員同 凡貢士成均選拔貢

生每十二年一舉由國子監疏請得。旨下部行直省學政於科考後會兩試優等生員考擇文行兼優者。京師滿洲蒙古每旗選拔二人漢軍每旗選拔一人。盛京滿洲蒙古共二人漢軍一人直省府學二人州縣學各一人八旗。欽命大臣。盛京會奉天府尹直省會督撫覆試文藝兼擇才品疏請貢入成均才不充選者寧闕毋濫既赴部奏請。廷試考列一二等者簡選引。見候。旨錄用皆欽命大臣洩其事考列三等及簡選所遺者送國子監肄業文理有疵者發回本籍讀書三年再送。

廷試荒謬者黜草原選拔各官論如律其有赴部後期者學政以事由咨報部會國子監補考一二三等均送監肄業餘與。廷試同。○副貢生以順天及各省鄉試取中副榜升入太學准作貢生與選拔貢生同。○歲貢生以各學廩膳生員食飭年久者依序貢入成均。京師滿洲蒙古歲貢二人漢軍歲貢一人。盛京滿洲蒙古三歲一人漢軍五歲一人直省府學歲貢一人州學三歲二人縣學二歲一人若府州縣新建及分設者或府視州州視縣或兩縣更年迭貢或四歲五歲貢一人均因地定制。○恩貢生遇

國家。覃恩以本歲正貢作爲恩貢與選拔及副貢同以需次待貢之生作爲歲貢如州縣學不值貢期俟應貢之年補行。○優貢優監生學政歲科試竣於所報優生中擇其尤者送部考試廩增准作貢生附學及附生准作監生。○功貢生諸生有從軍者以功升諸太學准作貢生與優貢生均視歲貢。○廢監

生及納粟准貢准監各在籍者歸本學教官約束賓興之歲與生員同科考由學政錄取迺冊送鄉試

凡考試藝業童生試書藝二覆試減書藝一加論

論題孝經小學間出有能習

御纂經義者策對不失旨視正

考卷無疵卽准招覆諸生歲試書藝二經藝一冬日減書藝一科試書藝經藝時務策各一冬日減經藝仍摘問 御纂經義必條對明晰考案始居前列優生始貢成均選拔分試二日首日書藝二經解一

次日策一五言八韻詩一

廷試書藝一詩一歲貢試書藝經藝詩

凡釐正文體制義代聖賢語言理

解務取清晰格律必歸雅正有尙詭異矜浮華者黜之學政歲科試竣取各學生員前列十卷兩次送部以待磨勘 凡頒行書籍 御纂經解性理詩古文辭及校訂十三經二十二史三通等書皆

頒行直省儒學並許書賈鐫版流傳若非聖之書一家之言不立於學宮者士子不得傳習淫辭小說坊肆不得刊行民間不得留藏學政巡試所屬嚴飭地方官禁止 凡考場規條滿洲蒙古漢軍先試騎射

台式迺准應歲科試提調官按應試人數豫刊坐號戳記投學署先試一日提調官編號於試卷尾彌封

鈐印簿記之卷面加浮籤書生童姓名試日彙帶納場內學政豫於東西文場適中之地設公座左右各

設長案公置坐號戳記令教官數人立案側味爽生童集大門外提調官視外搜檢唱名隸執照入牌序

進候內搜檢畢聽唱名領卷單名嚮東案雙名嚮西案教官各取坐號鈐卷面生童各就考案依號列坐

既畢迺封門命試題場四隅置役瞭望以防鄰號交通作弊者及生童試藝完自揭卷面浮籤交卷領照  
出牌積三十人一啟門序出日落時出盡不繼燭有懷挾文字倩代作文及場內移號換卷者皆論如法  
童生以所知廩生一人具保結臨試偕至識別有冒籍冒姓匿喪倩替及出身卑賤者罪之廩保同坐翼  
日出考取字號示期覆試覆定書等第名次於原卷發提調官啟封對號書名出案學政集諸生給閱原  
卷批評獎優斥劣勸懲各有差 凡衡文黜陟歲考一等增附青社均補廩無廩闕附青社先補增無增  
闕青社先復附其丁憂起復緣事辨復之候廩及因考停廩各生准復廩均依名次序補二等增補廩附  
青社補增無增闕青社先復附停廩降增者復廩增降附者復增三等無黜陟候廩候增者復廩增均與  
考列一二等之增附新舊間補停廩者收復候廩增降附者收復候增青衣發社者復附四等廩停食餼  
限六月送考原停廩者俟下次歲考均憑文定奪增附青社朴責示懲五等廩停作闕原停廩者降增增  
降附附降青衣發社原發社者黜爲民六等廩十年以上發社六年及增十年以上發本籍充吏不  
願者聽入學未及六年者發社餘皆黜爲民科考列一二等者冊送賓興三等候考遺才錄取者冊送不  
取者不准鄉試其補復廩增與歲考同 凡勸懲優劣學政歲考所至行令提調州縣教職等官各舉諸  
生優劣開具事蹟封送學政體訪確實隨場咨部至三年任滿彙疏以 聞由部覆覈優生行誼最著

者升入太學其次量予獎賞劣生悔悟自艾者以改過注冊帖終者除名 凡優卹諸生初入學免本身徭役入學三十年及未至三十年齒已七十者免歲科試以生員冠帶終其身遊學遠方隨祖父任所赴試不及者臨試而病者均給假限期補考父母服及承祖父母重三年免試本生父母服期免試期免試者廩增不作闕貧不自存者發學田租周之犯事情輕後自悔改者既革許開復經定罪者許以原名應童子試所坐微細地方有司具詳學政會教官戒飭不得同齊民鞭撻 凡廣勵學業 京師立宗室學覺羅學咸安宮學景山學八旗義學設滿漢教習以進士舉人恩拔副貢生充之滿教習兼用繙譯生員及因公呈誤之廢官通繙譯者均由部請 旨考試補授宗室等學以京堂翰詹義學以禮部司官稽察課程三年期滿分別等差引 見敘用直省會城立書院府州縣立義學社學選擇生徒肄業其中聘薦紳宿儒學問淹貫者爲之師束修膏火之費官爲供備以宏樂育 凡執事奉祠直省府州縣慶賀三大節及遇 頒詔行禮春秋釋奠於 先師設通贊二人引贊二人以生員嫻於禮儀者充之山東 闕里設樂舞生百五十四人各省府州縣學各四十人選本地俊秀子弟充之先賢先儒建有專祠者每代擇適裔一人由督撫學政咨部給執照充奉祠生 凡學政全書三年一修頒發直省督撫學政分行府州縣學以示遵循

凡崇祀名宦鄉賢之禮直省司牧之官有功斯民遺愛難泯者薦紳處士積學力行垂範鄉里者由學校師生公舉以達州縣州縣以達督撫學政歲於八月具疏部加覆覈歲終彙疏以聞列祀名宦鄉賢

二祠 凡旌表節孝之禮宗室覺羅由宗人府駁奏部覆題旌宗室以孝著者諸王以下至閒散宗室公主福晉以下至閒散宗室之妻若女均降勅褒獎賜銀幣有差若以女守貞及閒散宗室之妻

守節者如之覺羅節孝賜建坊銀加幣一夫亡殉節者請旨賜羊酒楮帛內閣撰文遣官致祭

八旗由佐領報都統直省由州縣報督撫學政均詳具實蹟造冊送部覈定歲終彙疏以聞孝子崇

祀忠義孝弟祠其節婦自年三十至五十或年逾四十而歿守節已閱十五年以上者賜清標彤管

四字以表其閭仍於節孝祠內彙姓氏勒諸貞珉其有奇節苦行者各賜銀三十兩建坊里門春秋

祭於祠內孝女與孝子同貞女烈婦與節婦同凡旌表義行之禮民有屢世同居和睦無間者建坊里

門題名忠義孝弟祠若出粟以周族黨振貧乏捐財以治橋梁修道路均由有司旌其閭為數多者奏請

敘錄 凡優老之禮百歲老民賜銀三十兩建坊里門題以昇平人瑞四字老婦旌以貞壽之門逾百歲者加

賞銀十兩內府幣一百有十歲者倍之百二十歲以上者請旨加賞不拘成例凡慈幼之禮直省



各設育嬰堂收養幼孤之無歸者又民有一產三男者給米五石布十疋 凡掩骼埋齒之禮八旗及內  
府佐領各給塋地直省州縣建議塚有貧不能葬及無主暴骨皆收埋之民有收瘞遺骸年久不怠者有  
司旌表其閭

### 鄉飲酒禮

凡鄉飲酒之禮歲以孟春望日孟冬朔日舉行於順天府庠豫期由大興宛平縣令各舉耆年致仕德望  
懋著者一人爲賓次介次三賓次衆賓均以齒德兼優者爲之屆期以本部漢堂官一人監禮府尹爲主  
人教授一人爲司正贊禮執事以府縣學生員先一日設坐次於庠之講堂設律令案於堂東司正官率  
執事諸生習儀樂部和聲署設樂於西階下至日質明主人偕僚屬執事生均詣學廨速賓介既至考鐘  
伐鼓主人出迎於庠門之外賓介東面主人西面主人揖賓介入衆賓從入三揖至於階三讓迺升主人  
東階上北面再拜賓介西階上北面答再拜主人揖賓介就位三賓衆賓咸就坐賓席西北南嚮介西南  
東嚮主人東南西嚮三賓衆賓在賓席之西東嚮坐定贊者贊司正揚觶以上行禮均唱贊司正由西階升詣堂  
中北面立賓主以下皆立司正揖衆皆揖司爵酌酒於觶授司正司正揚觶而語曰恭惟 朝廷率由  
舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭睦

宗族外和鄉里無或廢墜以忝所生迺畢飲以饌授司爵揖賓主以下皆揖司正退衆皆坐執事者舉律  
令案於堂中讀律令者詣案北面立賓主以下皆立揖如前讀畢退主人起獻賓席前北面立司爵酌酒  
授主人主人受爵詣賓位司饌舉饌案於賓前主人奠爵於席降再拜賓答再拜退復位賓起酢主人席  
前東面立司爵酌酒授賓賓受爵詣主人位饌案從賓奠爵於席再拜主人答再拜賓復位主人起獻介  
介酢主人均如前儀司爵酌酒獻三賓衆賓徧工升鼓瑟歌鹿鳴賓主以下酒三行司饌供羹笾馨作奏  
南陔間歌魚麗笙由庚司爵以次酌酒司饌供羹者三迺合樂歌關雎工告樂備執事者撤饌案賓主以  
下皆起主人就東階賓介就西階均再拜賓介降階出主人送於門外如初迎儀○直省舉行鄉飲酒禮  
府以知府州以知州縣以知縣爲主席餘儀與順天府同

鄉飲酒禮圖

祭屬

三僕

二僕

東階

一僕

五臣

多

多

大

委

一賓

心

二賓

西階

三賓

賓

欽定大清會典卷三十三

禮部

儀制清吏司

儀衛

凡儀衛親王紅羅繡五龍曲柄繖一紅羅繡四季花繖二紅羅銷金瑞草繖二紅羅繡四季花扇二青羅繡孔雀扇二立瓜臥瓜骨朶吾仗各四大纛二條纛二旗槍十

各依本旗色

豹尾槍四儀刀四馬六匹世子紅

羅繡四龍曲柄繖一紅羅銷金瑞草繖二紅羅繖一紅羅繡四季花扇二青羅繡孔雀扇二立瓜吾仗各四臥瓜骨朶各二大纛一條纛一旗槍八豹尾槍二儀刀二馬六匹郡王紅羅繡四龍曲柄繖一紅羅銷

金瑞草繖二紅羅繡四季花扇二青羅繡孔雀扇二立瓜吾仗各四臥瓜骨朶各二條纛二旗槍八豹尾

槍二儀刀二馬六匹以上執事人轎夫用繡團獅綠段衣親王以下八分公以上轎夫執事人均黑氈

帽綴絨纓上安銅管插紅翎繫紅布帶長子貝勒紅羅銷金瑞草繖二紅羅繡四季花扇二立瓜臥瓜骨

朶吾仗各二條纛一旗槍六馬四匹貝子紅羅銷金瑞草繖一紅羅繡四季花扇二立瓜骨朶吾仗各二

條纛一旗槍六鎮國公紅羅銷金瑞草繖一青羅繡孔雀扇一骨朶吾仗各二旗槍六輔國公與鎮國公

同以上執事人轎夫用素綠段衣鎮國將軍杏黃繖一旗槍六輔國將軍同奉國將軍旗槍四鎮國將軍

以下至宗室轎夫執事人均黑氈帽上安裏錫木頂插綠翎用青布衣繫綠纓紅布帶遇元日 萬壽

聖節冬至朝賀之期各儀衛全設常日在京師親王用曲柄繖一紅羅繖扇各二立瓜臥瓜骨朶吾仗

全馬四匹引導十人世子減曲柄繖及引導二人餘視親王郡王馬二匹餘視世子貝勒繖一立瓜臥瓜骨朶吾仗全引導六人貝子用立瓜骨朶吾仗引導四人鎮國公用骨朶吾仗引導二人輔國公同鎮國將軍用前引二人後從六人輔國將軍前引一人後從四人奉國將軍後從同若因事出京王以下均全設如儀○固倫公主紅羅曲柄繡寶相花繖一紅羅繡寶相花繖二青羅繡寶相花扇二紅羅繡孔雀扇二黑纛二立瓜臥瓜骨朶吾仗各二引導十人和碩公主減寶相花扇及引導二人餘視固倫公主郡主減曲柄繖臥瓜引導二人餘視和碩公主以上執事人衣帽與親王同縣主寶相花繖一寶相花扇二立瓜吾仗各二引導二人以上執事人衣帽與貝勒同親王福晉視固倫公主世子福晉視和碩公主郡王福晉視郡主貝勒夫人視縣主遇朝賀日固倫公主許隨入侍女五人親王福晉和碩公主世子福晉四人郡主郡王福晉縣主三人郡君貝勒夫人二人縣君貝子夫人鄉君公夫人各一人○固倫公主額駙紅繖一豹尾槍二旗十紅仗二執事人青帽銀頂插紅翎青衣紅帶和碩公主額駙杏黃繖二旗十紅棍四大小扇二各飾方金四執事人紅帽銅頂插綠翎青衣紅帶郡主額駙杏黃繖一旗十紅棍四扇二各飾方金三縣主額駙杏黃繖一旗六郡君額駙旗如之縣君額駙旗四鄉君額駙旗二公視和碩公主額駙侯金黃棍四餘視郡主額駙其有加級者棍得用紅伯扇二各飾圓金一餘視侯子繖一旗八棍二扇

一各飾圓金四男旗六扇二各飾圓金三餘視子京官一品視子二品視男三品扇二各飾圓金二餘視  
二品四品旗四扇二各灑以金餘官均用素扇一宗室覺羅之有職者各從其品其扇柄及棍均漆以朱  
各儀衛出京外得全設在京師不得用旗繖黃棍公以下三品官以上得用前引二人後從一品官八  
人二品六人三品四人四品二人五品以下一人文官三品以上得用甘蔗棍二武官三品以上得用櫻  
竹棍二自一品至九品均得用扇扇各用清漢字書銜若進•皇城內大扇棍及前引人均不得入○直  
省官文官總督旗八飛虎旗黃繖扇兵拳鷹翎刀獸劍黃棍桐棍槊各二槍四迴避牌二肅靜牌二巡撫  
槍二滅飛虎旗兵拳鷹翎刀餘視總督布政使按察使旗六滅獸劍桐棍槍餘視巡撫道府旗四黃繖  
扇各一桐棍槊迴避肅靜牌各二府倅知州知縣藍繖一滅迴避牌餘視知府縣佐藍繖一桐棍二學官  
藍繖一雜職竹板二總督河道漕運視總督學政鹽政織造三品以上視巡撫四品以下視兩司○武官  
提督刑杖二滅桐棍槊棍餘視總督總兵官槍二大刀二滅兵拳鷹翎刀刑杖餘視提督副將旗六黃繖  
一扇二黃棍迴避肅靜牌各二參將游擊都司旗四扇一桐棍二餘視副將守備滅牌餘視都司駐防將  
軍視內都統副都統以下官均與京官同凡輿馬王公乘明轎親王世子郡王貝勒輿夫八人貝子公  
四人暖轎親王金黃蓋金黃檐紅幃世子紅蓋金黃檐紅幃郡王紅蓋紅檐紅幃貝勒紅蓋青檐紅幃貝

子紅蓋紅檐青幃鎮國公皂蓋紅檐皂幃輔國公青蓋紅檐青幃均用銀頂馬韉親王世子郡王用金黃貝勒貝子用紫公用青公主親王世子郡王福晉用金黃長子貝勒貝子夫人用紫○公主以下縣主以上乘轎及車郡君以下乘車幃蓋檐均用繪固倫公主金黃蓋四角緣紅和碩公主紅蓋四角緣金黃均紅幃金黃檐郡主紅檐蓋角緣皂縣主青檐蓋角緣青均紅蓋紅幃郡君青幃紅蓋四角緣青縣君皂幃皂蓋四角緣紅均紅檐鎮國公女鄉君皂蓋四角緣青皂幃紅檐輔國公女青幃蓋去緣飾餘視鎮國公女王福晉以下貝勒夫人以上乘轎及車貝子夫人以下乘車郡王長子福晉以上得用朱轅奉國將軍淑人以上均得用朱輪幃蓋檐均用繪鎮國將軍夫人以下繪用素親王福晉金黃檐世子福晉紅檐郡王福晉皂檐均紅蓋紅幃蓋角緣皂貝勒夫人蓋角緣皂皂幃貝子夫人蓋角緣青青幃均紅蓋紅檐鎮國公夫人蓋角緣紅輔國公夫人蓋角緣青均皂蓋皂幃紅檐王以下公以上各側室均降適一等鎮國將軍一品夫人皂蓋輔國將軍夫人青蓋均青幃紅檐奉國將軍淑人幃蓋檐均用皂奉恩將軍恭人如之間散宗室青幃餘亦如之○京官滿洲文武均乘馬一品文官年老疾病不能乘馬者許乘轎漢人文官乘轎三品以上頂用銀幃蓋用皂在京昇夫四出京昇夫八四品以下頂用錫昇夫二出京四○直省

文官乘轎督撫昇夫八司道以下教職以上昇夫四雜職乘馬餘同京官總督河道漕運視總督學政暨

政織造暨各 欽差官三品以上視巡撫四品以下視兩司武官將軍副都統提督總兵官視督撫副將  
視兩司協領參游以下均乘馬文三品武二品官以上用引馬文武四品官以上馬繫繫纒○各品官命  
婦乘車輪轆均用黑色民公夫人蓋角緣皂侯伯夫人蓋角緣青均緣蓋皂幃綠幃子一品夫人皂蓋四  
角綠緣餘視伯男夫人去緣飾餘視子品官命婦一品視子二品視男三品皂幃餘視二品四品青幃餘  
視三品五品以下均青蓋餘視四品三品以上命婦頂用銀餘均用錫幃蓋幃二品以上命婦用素繒餘  
均用布

欽定大清會典卷三十四

禮部

儀制清吏司

相見禮

凡外藩親王見親王之禮至府第令從官致辭王府執事官轉啟迺延賓賓下馬入主人降階迎賓升入  
殿中門賓東面主人西面行二跪六叩禮興賓西主人東各就坐從官階下北面東上二跪六叩興由右  
門入從賓後坐執事官獻茶賓受茶一叩主人答飲訖從官楹前跪一叩先退賓離席一叩辭主人答興



降階送賓出執事官送賓於大門外外藩郡王見親王主人出殿迎不降階賓升主人導賓入賓二跪六叩主人跪答禮半賓辭退離席跪一叩主人跪受如初興導賓出送於殿外餘如外藩親王禮外藩貝勒見親王賓由殿右門入主人出坐迎賓北面行二跪六叩禮主人立受卽席正坐賓侍坐辭退賓離席跪一叩餘如外藩郡王禮外藩貝子公見親王府屬官引賓入殿二跪六叩主人坐受辭退賓離席跪一叩從官趨階下跪一叩興隨賓出餘如外藩貝勒禮○外藩親王見郡王主人迎送於大門內見畢辭退賓主各就坐一叩餘儀及外藩郡王見郡王均如內外親王相見禮外藩貝勒見郡王如外藩郡王見親王禮外藩貝子公見郡王如外藩貝勒見親王禮○外藩親王見貝勒主人迎於大門外賓入主人從賓主各一跪三叩從官亦一跪三叩辭退主人送於大門外外藩郡王見貝勒賓主一跪三叩餘均如外藩親王見郡王禮外藩貝勒見貝勒賓主一跪三叩餘如內外郡王相見禮外藩貝子公見貝勒賓一跪三叩主人跪拱手受餘如外藩貝勒見郡王禮○外藩王貝勒見貝子賓主一跪一叩坐從官一跪一叩辭退從官跪叩如初主人均拱手受送於大門外候乘馬迺退餘如外藩親王見貝勒禮外藩貝子公見貝子如內外貝勒相見禮○外藩王貝勒見宗室公如外藩王貝勒見貝子禮外藩貝子見宗室公主人迎送於大門外餘如外藩郡王見貝勒禮外藩公見宗室公如內外貝子相見禮 凡在京王公途遇之禮親